



**TITAH DIRAJA**

**KEBAWAH DULI YANG MAHA MULIA  
SERI PADUKA BAGINDA YANG DI-PERTUAN AGONG**

**SEMPENA**

**MAJLIS PERASMIAN PENUTUPAN TILAWAH  
AL-QURAN PERINGKAT NEGERI PAHANG DARUL MAKMUR  
KALI KE-62**

**PADA**

**20 FEBRUARI 2019 [RABU]  
BERSAMAAN 13 JAMADIL AKHIR 1440 HIJRAH**

**BERTEMPAT DI  
DEWAN JUBLI PERAK SULTAN HAJI AHMAD SHAH  
KUANTAN, PAHANG**

بِسْمِ اللَّهِ الرَّحْمَنِ الرَّحِيمِ  
السلام عليكم ورحمة الله وبركاته

الحمد لله رب العالمين والصلاة والسلام  
على اشرف الانبياء والمرسلين  
وعلى اله وصحبه اجمعين  
رب اشرح لي صدري ويسر لي امري  
والحل عقدة من لساني يفقهوا قولي

ALHAMDULILLAH, SAYA MERAFAKKAN SETINGGI-TINGGI KESYUKURAN KE HADRAT ALLAH SUBHANAHU WATA'ALA ATAS LIMPAH DAN KURNIANYA DAPAT SAYA DAN KEBAWAH DULI YANG MAHA MULIA SERI PADUKA BAGINDA RAJA PERMAISURI AGONG BERANGKAT HADIR KE MAJLIS PERASMIAN PENUTUPAN TILAWAH AL-QURAN PERINGKAT NEGERI PAHANG DARUL MAKMUR.

IZINKAN SAYA TERLEBIH DAHULU UNTUK MERAKAMKAN TERIMA KASIH KEPADA KERAJAAN NEGERI PAHANG YANG TELAH SUDI MENGUNDANG SAYA. INSYA ALLAH, JIKA BERKESEMPATAN DAN DIBERI KEIZINAN OLEH ALLAH SUBHANAHU WATAALA; SAYA AKAN CUBA UNTUK MEMENUHI UNDANGAN DARI KERAJAAN NEGERI PAHANG PADA MASA-MASA YANG AKAN DATANG.

HADIRIN DAN HADIRAT YANG DIRAHMATI ALLAH SEKALIAN.

AL-QURAN ADALAH MERUPAKAN WAHYU DAN MUKJIZAT YANG DITURUNKAN KEPADA BAGINDA RASULULLAH SALALLAHU ALAIHI WASALLAM. IANYA ADALAH MERUPAKAN KITAB SUCI TERAKHIR YANG DITURUNKAN KE DUNIA INI.

MEMBACA DAN MEMPELAJARI AL-QURAN ADALAH MERUPAKAN SATU IBADAH. MEMPERCAYAI KITAB AL-QURAN ADALAH WAJIB KERANA IANYA MERUPAKAN PELENGKAP KEPADA KESEMPURNAAN RUKUN IMAN.

HAKIKAT SEBENARNYA, AL-QURAN ADALAH MERUPAKAN SUMBER RUJUKAN YANG MAMPU MENJADI PENUNJUK ARAH DALAM KEHIDUPAN SEHARIAN. IANYA JUGA BERUPAYA UNTUK MENANGANI PELBAGAI CABARAN DAN ANCAMAN TERHADAP AKHLAK SERTA MORAL MASYARAKAT YANG BERLELUASA KETIKA INI.

JUSTERU, SEBAGAI UMAT YANG BERIMAN KEPADA AL-QURAN; ADALAH WAJIB UNTUK KITA MENJADIKAN AL-QURAN SEBAGAI RUJUKAN UTAMA DALAM KEHIDUPAN. RASULULLAH SALALLAHU ALAIHI WASALLAM BERSABDA YANG BERMAKSUD:

*“SEBAIK-BAIK DI KALANGAN KAMU ADALAH ORANG YANG MEMPELAJARI AL-QURAN.”*

NAMUN DEMIKIAN, DEWASA INI TELAH WUJUD SEGELINTIR INDIVIDU YANG MEMBERI TAFSIRAN AL-QURAN MENGIKUT AKAL LOGIK SEMATA-MATA DEMI KEPENTINGAN PERIBADI DAN KUMPULAN TERTENTU. PERKARA SEPERTI INI PERLU DI TANGANI SEGERA. JIKA DIBIARKAN BERLARUTAN, IANYA BOLEH MERUNTUHKAN AKIDAH, MERUNTUHKAN INSTITUSI KELUARGA DAN MENIMBULKAN PERPECAHAN DI KALANGAN UMAT ISLAM.

DENGAN DEMIKIAN, KEFAHAMAN YANG MENDALAM KEPADA TAFSIRAN YANG TEPAT ISI KANDUNGAN AL-QURAN; ADALAH SANGAT PENTING. SAHSIAH ATAU AKHLAK YANG DIBINA DENGAN BERPAKSIKAN AJARAN AL-QURAN AKAN BERUPAYA MELAHIRKAN MASYARAKAT YANG BERTAQWA DAN BAHAGIA DI DUNIA SERTA AKHIRAT.

JUSTERU, SAYA MENYERU AGAR SEMUA MASJID-MASJID DI NEGERI PAHANG UNTUK MENJADI PEMUDAHCARA BAGI MENYUBURKAN BUDAYA MEMBACA AL-QURAN DALAM KALANGAN UMAT ISLAM DI NEGERI INI. MUDAH-MUDAHAN; UMAT ISLAM DI NEGERI PAHANG AKAN MENCAPAI KEJAYAAN DALAM MENJADIKAN AL-QURAN SEBAGAI PANDUAN DAN PEDOMAN KEHIDUPAN.

HADIRIN DAN HADIRAT YANG SAYA KASIHI SEKELIAN.

IZINKAN SAYA UNTUK MERAKAMKAN SETINGGI-TINGGI PENGHARGAAN KEPADA KERAJAAN NEGERI PAHANG DAN SEMUA PIHAK YANG TERLIBAT DI DALAM MENJAYAKAN MAJLIS TILAWAH AL-QURAN PERINGKAT NEGERI PAHANG DARUL MAKMUR KALI YANG KE-62. SEMOGA SEGALA USAHA DAN SUMBANGAN SAUDARA DAN SAUDARI SEKELIAN AKAN DI BALAS DENGAN GANJARAN YANG BERLIPAT GANDA DARI ALLAH SUBHANAHU WATAALA.

SAYA JUGA INGIN MENGUCAPKAN TAHNIAH DAN SYABAS KEPADA QARI DAN QARIAH YANG BERJAYA MEWAKILI NEGERI PAHANG KE PERINGKAT KEBANGSAAN. SAMA-SAMALAH KITA BERDOA SEMOGA QARI DAN QARIAH DARI NEGERI PAHANG AKAN BEROLEH KEJAYAAN DI PERINGKAT KEBANGSAAN DAN SETERUSNYA DI PERINGKAT ANTARABANGSA.

MENGAKHIRI TITAH; SAYA BERDOA SEMOGA NEGERI PAHANG DAN NEGARA MALAYSIA YANG KITA CINTAI INI, AKAN BERTAMBAH MAKMUR DAN TERUS MENINGKAT MAJU; SERTA SENTIASA DALAM

PERLINDUNGAN ALLAH SUBHANAHU WATA'ALA DARI SEBARANG MUSIBAH DAN MALAPETAKA, INSHA ALLAH.

MAKA, DENGAN LAFAZ BISMILLAH HIRRAHMAN NIRRAHIM; SAYA MERASMIKAN PENUTUPAN TILAWAH AL-QURAN PERINGKAT NEGERI PAHANG DARUL MAKMUR KALI YANG KE-62.

SEKIAN.

وبالله التوفيق والهداية والسلام عليكم ورحمة الله وبركاته